



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepisc. Et Archidiac. Narbonen.

urn:nbn:de:hbz:466:1-20006

hum sic interpretatur, quod de nullis
 alius Flandrensibus intelleximus, nec
 alios Præposituræ supposuimus, nisi dun-
 taxat illos qui tempore quo ipsam Præ-
 posituram constituimus, in illo tantum
 habitabant & erant habitaturi deserto
 quod G. Rex Flandrensibus prioribus
 concessit. Et ut hæc nostra & Domini Re-
 gis interpretatio omni tempore plenum
 robur & firmam stabilitatem obtineat,
 has inde literas scribi mandavimus, &
 sigillo nostro fecimus sigillari.] Decer-
 nimus ergo &c. Datum &c. XVII. Ka-
 lend. Iulij.

ARELATEN. ARCHIEPISCOPO.

Epist. 273.
 De reformando
 monasterio Li-
 rinensi.

AD reformandum in locis illis sta-
 tum religionis antiquæ, in quibus
 vigeat olim observantia regularis, affe-
 ctuosius aspiramus, præsertim cum loca
 ipsa nobis & Ecclesiæ Romanæ nullo
 subjacent mediante. Sanè veridica mul-
 torum relatione comperimus quod mo-
 nasterium Lirinense, quod olim religione
 florebat, & temporalibus abundabat, ad
 eum statum sit miserabiliter devolutum,
 quod nec regularia in eo instituta ser-
 ventur, nec fratres ibidem de ipsius pos-
 sint facultatibus congruè sustentari. Ne
 igitur monasterio ipsi, quod specialiter
 beati Petri juris existit, nostra videatur
 sollicitudo deesse, quæ circa universas
 Ecclesias diligentius vigilare tenetur,
 fraternitati tuæ per apostolica scripta
 præcipiendo mandamus quatenus acce-
 dens ad locum, si per fratres ejusdem or-
 dinis religionem ibidem posse videris re-
 formari, & reduci monasterium ipsum
 in statum, id summopere studeas adim-
 plere, indulta tibi à nobis libera facultate
 excludendi de monasterio quoscunque
 videris excludendos. Hoc etiam tuæ fra-
 ternitati præsentium auctoritate conce-
 dimus, ut si quos fratres ejusdem ordinis,
 in alienis etiam episcopatibus commo-
 rantes, ad quodcunque officium seu etiã
 obsequium memorati monasterij videris
 opportunos ut per eos ibidem reformata
 per sollicitudinem tuam regularis institu-
 tio futuris temporibus observetur, ab
 Abbatibus suis tibi concedi postules, &
 nisi Abbates ipsi ad tuam communitio-
 nem impleverint, eos tibi ab eorundem
 Abbatum obedientia prorsus absolve-
 re, & in prædicto monasterio collocare.
 Quod si forsitan id per fratres ejusdem or-
 dinis non potueris adimplere, Cister-

cienſis ordinis viros in eo nostra fretus
 auctoritate instituas, per quos secun-
 dum statuta Cisterciensium fratrum re-
 formetur ibi monasticus ordo, & futu-
 ris temporibus, dante Domino, invio-
 labiliter observetur. Si qui autem super
 ordinatione ipsius monasterij tibi duxe-
 rint resistendum, canonica eos pena
 percillas, & nihilominus omni prorsus
 appellatione cessante, in mandati nostri
 executione procedas; provisurus atten-
 tius ut mandatum apostolicum ad hono-
 rem Dei & nostrum ita prudenter & fi-
 deliter exequaris ut fraternitas tua, de
 qua plenam fiduciam obrinemus, ex hoc
 debeat non immeritò commendari. Da-
 tum Romæ apud sanctum Petrum, Idi-
 bus Iunij.

ARELATEN. ARCHIEPISCOPO.

AD audientiam nostram noveris
 pervenisse quod cum olim in
 insula Arearum fratres quidam Cister-
 cien. fuerint commorati, eis à Sarrace-
 nis in captivitatem deductis, quia locus
 est mari vicinus, ad eam se quidam re-
 gulares Canonici transtulere. Verum
 cum ipsi præ nimia paupertate locum
 ipsum nec ædificiis possint nec possessio-
 nibus ampliare, in eo monasticum ordi-
 nem institui desiderant secundum fra-
 trum Cisterciensium instituta. & id etiam
 Episcopus diocesanus affectat. Ideoque
 fraternitati tuæ per apostolica scripta
 mandamus quatenus si ad hoc diocesani
 Episcopi & eorundem fratrum concur-
 rit affectus, in memorata insula mona-
 chos Cisterciensium instituas, facturus de
 Canonicis memoratis quod expedire vi-
 deris secundum canonicam honestatem.
 Datum Romæ apud sanctum Petrum
 XVII. Kalend. Iulij.

Epist. 274.
 Ut in arearum
 insula monachi
 de Episcopi of-
 fensu & volun-
 tate instituantur.

ARCHIEPISC. ET ARCHIDIAC.
Narbonen.

Accedens ad præsentiam nostram
 dilectus filius W. Manfridi mona-
 chus sancti Salvatoris Lodovensis sua
 nobis insinuatione monstravit quod
 cum Abbatem ejusdem monasterij, pro
 eo quod bona monasterij dilapidaverat,
 simoniam etiam & perjurium commise-
 rat, nimis inhonestè vivendo, ad sedem
 apostolicam appellasset, se ac fautores
 suos cum bonis suis apost. protectioni
 supponens, idem abbas W. Ademar mo-
 nachum, qui prædicto W. Madfridi fa-

Epist. 275.
 Ut post appel-
 lationem non
 interposita re-
 tentata revocet,
 excommunicat-
 tumque absol-
 vant.

vebat, ab administratione Cellerariæ, quam de communi assensu Capituli possidebat, spreta sedis apostolicæ appellatione removir. Præterea supradictum Vv. Madfredi & ipsum Vv. Ademar & R. Guntardi monachos ipsius monasterij per Lodoven. Episcopum & P. Giberti Rectorem Ecclesiæ sancti Petri per omnes Ecclesias civitatis Lodoven, fecit excommunicatos publicè nunciari; quidus secundum formam fecimus Ecclesiæ beneficium absolutionis impendi. Volentes igitur gravamini ejusdem Ecclesiæ providere, discretioni vestræ per apostolica scripta mandamus quatenus revocato in statum debitum quicquid post appellationem ad nos legitime factam inveneritis immutatum, super præmissis omnibus & aliis quæ proposita fuerint inquiratis diligentius veritatem, & solum Deum habentes præ oculis, quod canonicum fuerit, sublato appellationis obstaculo statuatis, & faciatis quod decreveritis per censuram ecclesiasticam firmiter observari, memoratos Episcopum & P. Giberti, qui post appellationem ad nos rationabiliter factam præfatos monachos excommunicationi subicere minimè timuerunt, pena canonica punientes. Quòd si ambo &c. tu frater Archiepisc. &c. Datum Romæ &c. III. Idus Iunij.

CAPITULO S. IOHANNIS
Bisuntinensis.

Epist. 276.
Vnorum illis collegium erigere de Archiepiscopi voluntate liceat.

Quoniam ex injuncto nobis officio subditorum animos ad caritatis opera diligenti sollicitudine debemus inducere & de bono semper ad melius invitare, illis qui supernæ benignitatis gratia inspirante sectatores bonorum operum esse volunt, & in veritate & iustitia coram Deo ambulantes, creatoris sui sibi cupiunt conciliare favorem, specialius condescendere nos oportet, & eorum iustis petitionibus assensum apostolicum impertiri. Inde est quòd cum in Ecclesia sancti Martini, quam habetis apud Salinum, juxta facultates Ecclesiæ Canonicorum ordinem velitis instituire, sicut fuit in auditorio nostro propositum; nos vestro proposito grata volumus condescendere voluntate, vobis præfenti pagina indulgentes ut habito assensu venerabilis fratris nostri Bisuntini Archiepiscopi, nullius contradictione vel appellatione obstante, tam

laudabile propositum valeatis effectui mancipare. Datum Romæ &c. V. Idus Iunij &c.

BISUNTINO ARCHIEPISC.

Leet in beato Petro Apostolorum principe ligandi atque solvendi nobis à Domino sit attributa facultas, quæ in subditos juxta suorum exigentiam meritorum exercere liberè debeamus; exemplo tamen illius qui omnes salvat, & neminem vult perire, libentius ad solvendum intendimus quàm ligandum; etsi nonnullæ sunt culpæ, in quibus est culpa relaxare vindictam. Sanè cum olim ex literis * G. Decani S. Stephani, Gerardi Cantoris S. Stephani, Iohannis Salinensis, T. de Grai, Io. de Waresca, O. Faverniacen. Archidiaconi, & Norandini Subdiaconi nostri, Canonicorum Ecclesiæ Bisuntinæ, ad apost. sedis audientiam pervenisset te varia crimina commisisse, ac ab eis fuisses per easdem literas super perjurio, crimine simoniæ, & incestu delatus, fel. recor. * Celestinus P.P. prædecessor noster servata iudicaria gravitate tibi certum terminum assignavit, quo, responsurus objectis, apostolico te conspectui præsentares. Cum autem tu juxta tenorem factæ tibi citationis ad sedem apostol. accessisses, te & dilectis filiis Io. & O. Archidiaconi apud sedem apostolic. constitutis expectavimus aliquandiu si qui forsan contra te procederent, & quæ de te literis intimaverant, proponerent in scribendo. Ceterum cum nec unus etiam appareret, qui te impeteret de prædictis, ne aliquid de contingentibus omittere videremur, prædictis Archidiaconi vocatis ad præsentiam nostram, & in nostra & fratrum nostrorum præsentia constitutis, quæsivimus diligenter, si quid super præmissis adversus te pro se vel aliis proponere vellent, & quod scripserant, legitime demonstrare. Ipsi autem, quòd non proposito accusandi hæc scripserant, responderunt; sed quia tu super quibusdam incorrigibilis videbaris, quædam de te sedi apostolicæ duxerant intimanda; sed nuncius qui pro literis impetrandis accessit, mandati formam præsumpsit excedere. Nos igitur famæ tuæ consulere cupientes, dictis Canonicis contra te super prædictis silentium duximus imponendum, ne te de cetero eis super ipsis accusare liceat, vel etiam infamare;

Epist. 277.
Illum, indicta tamen purgatione, ab accusatione Capituli absolvit.
Cap. Licet. De accusationibus.

* In tertia Collect. in apud Gregorium, B.

* Apud Gregor. Clemens